

**Châng Thlan:** *Rome 9.*

**Zirlaite Tân:**

**Hriat Tûr:** Pathianin Israelte a hlamchhiah lo va, mi zawng zawng—Juda leh Jentailte pawh chhandam a duh vek a ni tih man thiam.

**Vei Tûr:** Pathianin mi zawng zawng chhandam a duh vek laiin, A lalrama rawngbâwltu tûr erawh chuan Amah chauhin a thlang t̄hîn tih lo pawm.

**Tih Tûr:** Pathianin a chhandamte leh chhandamna hmanruaa t̄ang tûrte A ruât dân danglamna hriat thiam.

**THUPUI T̄HEN**

**I. Hriat Tûr: Pathianin Bote A Tlanhhuah Dân**

A Engati nge Israelten chunglam ruâhmannaa an chanvo an manthiam lo tih a chian viâu?

B Engati nge Pathianin mîte/pâwl chhandam nâna delhkih nei lo thuthlung A siam ngai loh?

## **II. Vei Tûr: Israelte Hlawhchhamna Chunga Pathian Dawhtheihzia Hriat**

A Judaten Krista hnara an khenbeh vângin Pathian hnar an nihphah a, chuti si engati nge Pathianin Israelte a hnar fithlâk sî loh?

B Hna pawimawh tak thawk tûra remchâna i hloh tawh, remchâna lo inher chhuak leh ta tawn i nei tawh em? Chutiang malsâwmna bîk i dawnsawn dân chu in pâwlah sawi ang che.

## **III. Tih Tûr: Pathian Ruâhmanna Hnuaiia Intulût**

A Engati nge tûten emaw mi dangte rawngbâwlna an thîk thîn?

B Pathian ruâhman rawngbâwlnaah ‘thlarau thilpêkte’ dawn thû-ah hian, engtin nge Pathianin a dawngtû tûr tak a rêl thîn?

**KHAIKHÂWMNA:** Pathian ruâhmanna anga Judate leh Jentailte chhandam an nih theih vekzia man thiam hi a pawimawh a, bote zawng chhuak tûra mî koh pawh a kut a ni tih tih chian.

### **INZIRTÎR DÂN TÛR**

#### **RAHBI 1—Chawk phûr rawh**

**Châng Thlan:** *Rome 9.*

***Thlarau thanna atâna thu pawimawh:*** *Thil pawimawh tak mai chu, Pathianin tû pawh chatuana chhandam an nihna tû ruât lâwk bîk a nei lo tih man thiam hi a ni. Mahse, an rawngbâwlna tûra kohna leh thlarau thilpêk chungchângah A kona chhângtûte tih tû erawh chu a thliâr fel thîn a. Chutianga Kristian nuna thuhretûa tan leh rawngbâwlsaknaah hian Pathian tlanna ruâhman tipuitlingtu pêng khat nih chu malsâwmna ropui tak a ni.*

**ZIRTIRTÛTE PUÂL:** Mi mal chhandamnaah Pathianin ruât lâwk tû mah a nei bîk lo. Chutih laiin, mihring bo tâte tâna thuhretûa țang tûra Israelte thlan an nih thû-ah erawh chuan thuneihna tâwp a nei a. Chutiang chuan, tûn kê zirlai atâna zawhna pawimawh tak chu: ‘Pathianin Judate leh Jentailte chhandam vek a duhna chungchângah hian, A Thuthlung Hlui mîte hlwhchhamnate kha engtin nge Pathianin a tih?’ tih hi a ni.

**Sawi Hawn Nân:** *Rome 9* i chhiar hmasak ber țum kha ngaihtuah lêt leh la. Pathian chuan ruât lâwk chu a nei ngêi a ni lâwm ni tih thûah i rilrûah eng zawhna nge lo lang nghâl a, a bîkin mi tinte sual leh chatuan thihna ațanga chhanchhuahna kawngah hian?

**Zawhna Sawi ho tûr:**

- ❶ Pathian nihphung-mîzia hian, Ani chu mi tinte chatuana an awm dân tûrah ruât lâwk nei tûr chî a ni lo tih engin nge lantîr?
- ❷ Engati nge Paulan Judate chhandamna chu a vei êm êm ni ang le?
- ❸ *Rome 9*-a ‘Judate zawhna’ an tih mai Paulan a vei êm êm mai kha chîk takin ngaihtuah la. Jentailten lâwm taka kohhran bêla anrawn pawm chur chur laia Judaten an hnar tlat sî, khati taka Paulan a vei chhan kha enge ni ang?

**RAHBI 2—Zawng chhuak rawh**

**ZIRTIRTÛTE PUÂL:** Pathianin mihring zawng zawngte chhandam vek A duh chu kan hriatthiampui laiin, *Rome 9*-a zawhna pawimawh tak chu: “Engtin nge Pathianin Israel (Judate) an hlwhchham tawh chung a tlan chhuah a tum?” tih hi a ni. Țawngkam dang chuan, Pathianin Judate leh Jentailte pawh chhandam vek duha tlanna kawng a buatsaihsak thû

Paulan a sawi hi man thiam tûrin fimkhur taka kan zir/zui a ngai a ni.

## ZIR ZÂUNA

### I. Paulan Judate leh Jentailte A Veizia leh Tihsak A Tum (*Rome 9:1–13.*)

Hêng chângachte hian, Paulan Israelte hmanga Pathianin tih a ruâhman chu a la hlawhchham ðhak lo va, Abrahamata thlaha ‘a la bâng’ a la awm zêl thû a târlang a. Tichuan, Pathian chuan thlan bîk deuhthe chu a neih laiin, bote chhandam a ruâhman chu zâwimuângin a lo famkim chho zêl a ni. Tûnah, Juda hnam ðobul, Abrahamata khân, (Pathian thutiamte leh thiltihtheihna a rin zârah) fapa Isaaka a hring a; ani pawh chuan Jakoba, Israel hnamte lo chhuahna chu a hring a. Pathian chuan khaihlakna chu tawng baw mah se, ‘chi thlah’ rinawm emaw, tlan chhuahte emaw chu a nei thei ta tho mai. Hêng mak taka lo piangte hi Israelte thlahtûte an nih bâkah, sual leh beisei bonain a chîm hnan khawvêl chhandamna tûra hmanruâte an lo ni ta a ni.

**Ngaihtuah Teh:** Pathian hi chhiahhlawh bîk tûrte thlan thû-ah hian a duhtui viau nân, chhandamna thû-ah hi chuan mahnî duh ang anga thlan bîk nei lo niâwm takin a lanna enge awm?

### II. Khawvêla Thuchah Puang Tûra Pathian Mi Thlante (*Rome 9:14–24.*)

Paulan a ðanfung sawhngheh nân Exodus 33:19 leh 9:16 thû a la chhuak a, chû chu Pathianin A mi thlan apiangte chungah ‘zah a ngai’ dâwn tih târlan nân a ni. Tichuan “Khawvêl pum puiaha A thiltihtheihzia” leh A “khawngaihna” a lantîr theih nân a ni (*Rome 9:15, 17, NKJV*). Paulan Pathian thuneihnaa ‘thiltihtheihna’ târlan nân chunglam Bêlvawtu angin a sawi a, Ani chuan a duh ang angin hlum chu bêlah a vaw thei a ni (*Rome 9:19–24*). Chutiang chuan hê khawvêlah

hian A rawngbâwl hnâ chu tu nge thawk tûrin A thlan dâwn tihah A duh ang angin thutlûkna a siam thei tih a chiang hlê a ni.

**Sawi ho tûr:** A rawngbâwltu tûrte thlan thû-ah Pathian chu thuneitu a ni. A nih hê thû hian chatuana chhandamna tûr an thlan leh hnar thû-ah pawh mihringte chungah thutâwp a nei tho tihna a ni em?

### **III. Khawvêl Chhandamna Tûrah Pathian Chu Thuneitu A Ni** (*Rome 9:25–33.*)

Jentailte tâna Pathian rawngbâwlna chungchâng Thuthlung Hlui hrilhlâwkna thû Paulan a târ chhuahte ngaihtuah nân hun tlêm tal hmang ang che u (*Hosea 2:23; 1:10; Isaia 10:22, 23; 1:9; 13:19.*)

**Ngaihtuah Teh:** Pathianin Judate leh Jentailte chhandam vek A duhzia eng finfiahnate nge hêng chângte hian min pêk?

### **IV. Khawvêl Pum Pui Tâna Chhandamna** (*Johana 3:16; 1 Timothea 2:3, 4; 4:10; Tita 2:11; 2 Petera 3:9.*)

Bible châng chhiar leh ngaihtuah tûra chhawp chhuahte hian, chhandamna chu khawvêl pum pui tân a nihzia an târlang chiang hlê a. Chutih lain, Pathianin a rawngbâwlna hmanruaa țang tûrin Israelte thlang tûrin thuneihna tâwp a nei tih engtin nge an târlan tel?

Hê zawnha chhân nân hian, hêng thu pangâ, a thlâwna khawngaihna leh a thlâwna chhandamna chiang taka târlanate hi i'n ngaihtuah teh ang:

1. “Chhandamtu Pathianin, mî zawng zawng chhandam a duh” (*1 Tim. 2:3, 4, NKJV*); khâikhinpui tûr,
2. “Pathian, mî zawng zawngte Chhandamtu, a bîkin ringtûte” (*1 Tim. 4:10, NKJV*);

3. “Pathianin khawvêl a hmangaih êm êm a, chutichuan A Fapa neih chhun a pê a, tû pawh Amah chu ring apiangte chu an boral loh a, chatuan nunna an neih zâwk nân” (*Johana 3:16*, NKJV);
4. “Mî zawng zawng hnênah chhandamna rawnt hlenin, Pathian khawngaihna a lo lang ta sî a” (*Tita 2:11*, NKJV); tih leh
5. “LALPA chuan . . . tû mâ boral duh lo va, mî zawng zawngten an sim duhin, keimahnî lamah a dawhthei a ni” (*2 Pet. 3:9*, NKJV).

**Ngaihtuah Teh:** A hmâ lawka zawhna kha ngaihtuah leh la: Hêng chângte hi engtin nge kan tih tâk ang? Chumi chhân nân, helai thû hi ngun takin ngaihtuah la: Paula hian *Rome 9*-a a thusawi hi Pathianin mî zawng zawng chhandam a tum sâ rêng a tihna a nih a, a thlâwna pèk ðheuh, khawngaihna leh rinna behchhana chanchin ðha chhân lêtna a nih chuan, Pathian thû hi a inkalh tihna a ni dâwn a. Hê thil hriat har tak aţang hian enge kan hriat tûr ni ang? Sual leh tawrhna ðobul sawi fiah nân pawh indona ropui thupui chu tihtlâk loh thâwthâng emaw tih mai tûr a lo ni ang a. Chutiang zâwna thutlûkna siamna chu thil râpthlâk tak niin, Pathian chu thil ðha lo lo zîk chhuahna bul niin, sual man (thihna) laka chhandamna mûmal lo taka petu pawh a ni bawk dâwn tihna a ni. Engtin nge *Rome 9*-a Bible thutak dik taka man thiamnain chutiang ngaih dân dik lo chu a lehthal zâwk ðhin?

### **RAHBI 3—A Taka Nunpui Tûr**

**ZIRTIRTÛTE PUÁL:** In pâwlte chu Rahbi hnihna chhûnga indona ropui thupui chungchânga zawhna awm theite ngaihtuah tûrin sâwm la, chutah a hnuaia zawhna hi ngaihtuahpui ang che:

## **A Taka Nunpui Tûr Zawhnate:**

- ❶ Thupui pakhat “Pathian thiamchantîrna” (theodicy) tîa sawi tîin hi a awm a. A awmzia chu, mihringte tawrhnaa lungngaihna a la hluâr viau lai hian, harsatna hmachhawn mêk chungin engtin nge chutiang thû-ah chuan Pathian kan ‘rêlsak’ emaw thiam kan chantîr theih tih lam a ni. Thil t̄ha lo vâng a harsatna thleng hi eng ang takin nge i lo buaipui vê?
- ❷ Engtin nge *Rome 9* kan hrilhfiahnain *Rome*-a Paula tanfung min man thiamtîr?
- ❸ A chung a târlan chângtea a thlâwn, a thlâwna khawngaihna tih ang vêl Paula thu khawchâng Bible-a telh hi thil inhmeah a ni em?
- ❹ Engtin nge Indona Ropui hian thil t̄ha lo leh mihringte tawrhna namên lo te, khawvêl chanchina châna râpthlâk tak tak lo chhuahna min sawifihsak?

## **RAHBI 4—Boruak siam rawh**

**ZIRTIRTÛTE PUÁL:** In pâwl member-te chu *Rome 9* leh, Paulan Juda sâkhuaa mî inlehtîr tumtûte a buaipuizia chai tûr sâwm la. Chutih ruâlin Judate leh Jentailte vei tak maia ramthim rawngbâwlna a kalpui tâknaah khân mahni inchhiar tel vê ang che.

### **Tih Tûr:**

- ❶ *Rome 9:1–4*-a Paulan Judate chhandamna tûr a veizia a sawi kha chhiar nawn leh ula. Chutah a dawt leh hi in chhiar zui dâwn nia.
- ❷ Kristian thuhretûa t̄anna leh rawngbâwlna mahni nuntawng ngêi in sawi hnûin hei hi (a hmasain mahni, chutah in pâwlte) in inzâwt dâwn nia: (Mosia angin) thihpui hiâl pawh i inhuâm nge, (Paula angin) nangmâ nuna Kristiante leh Kristian lote pawh thihsak hiâl i inhuâm zâwk?

③ Paulan Rome 9:30-33-a chanchin thâ leh kum zabi khatna laia Judate leh Jentailte danglamna kawngte a ngaihtuahin, ‘felna dân’ (*Rome 9:31*) zuitûte thil paltlang inang lo takte a khâikhin tawn a. Chûng nuntawng chi hnihte chu: a) “rinnaa felna” (*Rome 9:30*, NKJV) leh b) “dân thiltihte” (*Rome 9:32*) tiin a sawi a. Krista zuitûte hian ‘rinna’ behchhan nuntawng leh ‘dân thiltihte’ behchhan nuntawng danglamna thliâr hranna tûr chu engte nge ni ang?